



ԶՊՄԿ արտադրության վերազինման մանրամասներին ծանոթացնում է Ընկերության արտադրության գծով տնօրեն Եվգենի Կունակովը



«Հաշվի առնելով ավտերնատիվ էներգետիկայի զարգացումը՝ նավթի դերը նվազելու է, մետաղներինը՝ ավելանալու». միջֆակուլտետային քննարկում



«Առեղծվածային» պոչամբար. Միֆեր և իրականություն. ԶՊՄԿ-ն ճանաչողական շրջայցեր է կազմակերպել լրագրողների համար




ԸՆԴԵՐՔԻՑ ԲԱՐՁՈՒՆՔՆԵՐ



№50
2025թ.

Հանքարդյունաբերությունը միայն տղամարդու գործ չէ, կանայք այստեղ պահանջված են





Հանքարդյունա-
բերության
կարևորությունը...
Սթանավորի
QR կոդը, դիտի՛ր
տեսանյութը



ՀՀ Հանքագործների և մետալուրգների միության նախագահ, Հանգեզուրի պղնձամոլիբդենային կոմբինատի գլխավոր տնօրենի առաջին տեղակալ Վարդան Զհանյանի հարցազրույցը «Economix» հաղորդմանը:

Հանքարդյունաբերության ազդեցությունը բնակչության կենսամակարդակի վրա

«Մեր ոլորտն անչափ կարևոր է, և ոչ ոք չի կարող գերազնահատել դրա կարևորությունը: Տնտեսության վրա տեսանելի ազդեցությունների շարքում կարելի է առանձնացնել հարկերը, ՀՆԱ-ի տեսակարար կշիռը և այլ ճյուղերի վրա ազդեցությունը: Բայց տնտեսության վրա անտեսանելի ազդեցություն էլ կա: Սա Հայաստանում միակ ոլորտն է, որտեղ համաշխարհային ցուցանիշների հետ համեմատելի աշխատանքի արտադրողականության բարձր մակարդակ է նկատվում», – «Economix»-ի հետ հարցազրույցում նշել է Վարդան Զհանյանը:

Երկրի սոցիալական վիճակը, զարգացման ընդհանուր մակարդակը, մարդկային զարգացման ինդեքսը կախված են աշխատանքի արտադրողականությունից: Միաժամանակ, արտադրողականության բարձր մակարդակով երկրներում մարդկային զարգացման բարձր ցուցանիշ էլ կա, այսինքն՝ մարդիկ ավելի բարեկեցիկ են ապրում: Նա շեշտել է, որ Հայաստանի տարբեր մարզերում նույնիսկ այդ տարբերությունը կա:

«Զարգացած հանքարդյունաբերություն ունեցող Սյունիքի մարզի սոցիալական վիճակն ավելի լավ է՝ Ծիրակի մարզի համեմատ, որտեղ նման արդյունաբերություն չկա: Եթե Հայաստանի այլ մարզերում էլ հանքարդյունաբերությունը զարգանա, ամբողջ

«Հնարավոր չէ գերազնահատել հանքարդյունաբերության կարևորությունը». Վարդան Զհանյան

հանրապետությունում տնտեսության
մրցունակությունը կբարձրանա»:

Ուրիշ ի՞նչ ոլորտների հետ է կապ- ված հանքարդյունաբերությունը

Հանքարդյունաբերությունը սերտորեն կապված է գրեթե բոլոր ոլորտների հետ: Անմիջական կապ կարելի է գտնել էներգետիկայի հետ, քանի որ էլեկտրաէներգիայի մոտ 30-40%-ը սպառում է հանքարդյունաբերությունը: ԶՊՄԿ-ն հանրապետությունում էլեկտրաէներգիայի սպառման առաջատարն է: Էներգիայի այլ աղբյուրների (դիզվաժելիք, բենզին, գազ) դեպքում ոլորտը ևս կարևոր սպառող է:

«Հանքարդյունաբերությունը շոշափելի ազդեցություն ունի նաև տրանսպորտի ոլորտի վրա: «Հարավ-կովկասյան երկաթուղու» գլխավոր գործընկերը մեր ոլորտն է, առանց որի այդ ընկերության շահույթը կարող էր մի քանի անգամ կրճատվել», – ասել է նա:

Կարելի է բազում նման օրինակներ բերել: Առանց հանքարդյունաբերության մյուս ոլորտները չափազանց թույլ կդառնան կամ չեն կարողանա շահութաբեր գործունեություն ծավալել:

Հայաստանի ներուժը համաշխարհային շուկայում

«Հանքարդյունաբերական ոլորտի ամբողջ ներուժը չի օգտագործվում, իսկ դրա հետևանքով համաշխարհային հանքարդյունաբերության ոլորտում մեր դերն այնքան էլ բարձր չէ: Հայաստանն արտադրում է համաշխարհային պղնձի ընդամենը 0,2-0,3%-ը: Ընդ որում, պղնձի համաշխարհային շուկայի ծավալը նավթի շուկայից 10 անգամ փոքր է: Բայց նույնիսկ այս պարագայում, ոլորտը Հայաստանի տնտեսության մեջ կարևոր դեր է խաղում: Նավթի դերը ժամանակի ընթացքում նվազելու է, մինչդեռ պղնձի դերը մեծանալու է: Բոլոր կանխատեսումներով՝ 10-15 տարի անց ռեսուրսների շուկայում պղինձը կարող է փոխարինել նավթին: Հայաստանը, ունենալով նման պաշարներ, պետք է օգտվի դրանից և մեծացնի իր դերը պղնձի համաշխարհային շուկայում՝ ավելացնելով արտադրության ծավալները: Այդ դեպքում ոլորտը կարող է շատ ավելի մեծ ազդեցություն ունենալ տնտեսության վրա:

Նույն պոտենցիալն է մոլիբդենի պարագայում, որն օգտագործվում է նաև այլընտրանքային էներգետիկայի գրեթե բոլոր ճյուղերում», - հավելել է Հանքագործների և մետալուրգների միության նախագահը:

Հանքարդյունաբերության զարգացման հիմնախնդիրները

Հանքագործների և մետալուրգների միության նախագահը ՀՀ կառավարության կողմից ԶՊՄԿ-ում բաժնետոմսերի ձեռքբերումը դրական երևույթ է անվանել, քանի որ դա հնարավորություն է ընձեռում հանրությանը, աշխատակիցներին և կառավարությանը համոզվելու, որ սա «անհասկանալի» ոլորտ չէ՝ մեծացնելով հասարակության վստահությունը ոլորտի նկատմամբ:

«Առայժմ հստակ դիրքորոշում չի ուրվագծվել: Սա հասկանալի կարևոր նշանակություն ունի բիզնեսի վարքագծի տեսանկյունից՝ նույն երկրաբանահետախուզական աշխատանքների հարցում, որոնք կարգին չեն էլ անցկացվում: Հայաստանի հազվագյուտ մետաղների ներուժը գնահատելու համար անհրաժեշտ է երկրաբանահետախուզական լայնածավալ աշխատանքներ իրականացնել: Հուսով եմ՝ կառավարությունը կկարևորի դրա նշանակությունը, և ներդրումներ կարվեն: Բիզնեսը պետք է հասկանա՝ արժե՞ ապավինել կառավարության աջակցությանը, թե՞ պետք է հույսը դնել սեփական ռեսուրսների վրա: Հաշվի առնելով, որ այս ոլորտում փոխհատուցումը երկարաժամկետ բնույթ ունի, պետք է հասկանալ՝ պետությունը նվազեցնում է ռիսկերը, թե՛ ոչ: Մենք դրական ազդակներ ենք տեսնում մի քանի տարի առաջ ոլորտի զարգացման ռազմավարությունը որդեգրած կառավարության կողմից, բայց, միևնույն ժամանակ, այդ դիրքորոշման հստակ դրսևորում չկա», - ասել է նա:

ԶՊՄԿ կայուն զարգացման ռազմավարության (ESG) մասին

«Քանի որ սա երկարաժամկետ ոլորտ է, այս ոլորտի ընկերությունները կայուն զարգացման ասպեկտը չեն կարող անտեսել: Զանգեզուրի պղնձամոլիբդենային կոմբինատը՝ որպես ոլորտի խոշորագույն ձեռնարկություն, մեծ նշանակություն է տալիս ESG-ին և ոլորտի մյուս ընկերությունների համար ձգտում է օրինակ դառնալ», - ընդգծել է Զհանյանը:

Արդեն երրորդ տարին անընդմեջ կոմբինատը կայուն զարգացման տա-



ԶՊՄԿ-ն հայտարարել է վերականգնվող էներգետիկայի արդյունաբերական նշանակության նախագծերի մրցույթ

Զանգեզուրի պղնձամոլիբդենային կոմբինատի կողմից սպառվող էլեկտրաէներգիան վերականգնվող էներգիայի աղբյուրների փոխակերպման ծրագրի շրջանակներում հայտարարել է մրցույթ:

Երկայումս ընդունվում են արևային ֆոտովոլտային կայանների նախագծման, համապատասխան հողային տարածքների առաջարկի ներկայաց-

ման, ֆինանսավորման, կառուցման, տնօրինման և շահագործման աշխատանքներ իրականացնելու համար նախաորակավորման փուլի հայտերը:

ԶՊՄԿ-ն այս ծրագրով նպատակ ունի ոչ միայն նվազեցնել սեփական ածխածնային հետքը՝ միաժամանակ կրճատելով գործառնական ծախսերը, այլև ներդրում ունենալ Հայաստանի Հանրապետության սեփական էներգահամակարգի անկախության աստիճանի բարձրացման գործում: Այս մրցույթի հայտարարումը ծրագրի իրականացմանն ուղղված առաջին կարևոր քայլն է: Ընկերությունն ակնկալում է մրցույթին հայաստանյան և ոչ միայն հայաստանյան կազմակերպությունների մասնակցությունը:

րեկան հաշվետվություն է հրապարակում՝ նկատի ունենալով լավագույն համաշխարհային չափանիշները, ինչպես նաև ձգտում է ապահովել, որ ընկերության սպառած ամբողջ էլեկտրաէներգիան արտադրվի «կանաչ» էներգիայի միջոցով:

«Զանգեզուրի պղնձամոլիբդենային կոմբինատը հայտարարել է, որ 100 Մվտ հզորությամբ արևային էլեկտրակայանի կառուցման հայտ է ընդունում: Սա աննախադեպ է, քանի որ Հայաստանն այդքան խոշոր արևային կայան չունի: Բայց անգամ այս ամենով

հանդերձ՝ այն կապահովի կայանի էլեկտրաէներգիայի պահանջարկի միայն 21%-ը: Հետևաբար պետք է ձգտենք նրան, որ օգտագործելով էլեկտրաէներգիայի կուտակման սարքերը հասնենք 100%-անոց արդյունքի: Սա խթան կլինի, որ ամբողջ երկիրն ինչ-որ պահի ամբողջությամբ կանաչ էներգիայի անցնի: Մենք նման ներքվող էներգառեսուրսների կախվածությունից ազատվելու հնարավորություն կընձեռի», - ասել է Վարդան Զհանյանը:

Արդիականացման ծրագրի շրջանակներում ԶՊՄԿ-ն կկառուցի նոր պոչատար և մասնակի շրջանառու ջրամատակարարման նոր համակարգ

Զանգեզուրի պղնձամոլիբդենային կոմբինատը նախատեսում է կառուցել ամբողջովին նոր և համեմատաբար մեծ տրամագծով պոչատար խողովակաշար, ինչպես նաև ծրագրել է կառուցել մասնակի շրջանառու ջրամատակարարման համակարգ:




Այս երկու խոշոր նախագծերն ուղղված են կոմբինատի արդիականացմանը: Ծրագրի իրականացման համար պահանջվում է անցկացնել երեք հանրային լսում, որից երկուսն արդեն կայացել է: Կոմբինատում նախընտրել են հիմնաֆորդեղ ոչ թե հին և մաշված խողովակաշարերը, այլ կառուցել լիովին նոր պոչատար խողովակաշար: «Վթարների ռիսկը նվազեցնելու համար որոշում է կայացվել նոր խողովակաշար կառուցել՝ 1200 մմ տրամագծով, ներսից ներպատումային շերտով, որը կդառնա մեր հիմնական խողովակաշարը», - նշել է ԶՊՄԿ-ի տեխնիկական տնօրեն Արման Վարդանյանը:

Նա շեշտել է, որ ներկայումս դյուկերային անցումների հատվածներում երեքական խողովակաշար կա, մեկը հիմնականն է՝ 1000 մմ տրամագծով: Այն ներսից պատված է հատուկ կայուն նյութով՝ ներպատումով, որը թույլ չի տալիս, որ խողովակաշարը արագ մաշվի: «Մյուս՝ 700 մմ-անոց երկու խողովակաշարերը ծառայում են որ-

պես պահեստային, երբ հիմնական խողովակաշարը վերանորոգվում է: Նորի կառուցումից հետո պահեստայինները կապամոնտաժվեն, քանի որ դրանց կարիքն այլևս չի լինի», - ասել է Վարդանյանը:

Կոմբինատի պատմության ընթացքում վթարները տեղի են ունեցել հիմնականում դյուկերային անցումներում: Դրանց նպաստել է նաև աշխարհագրական բարձր դիրքը: «Նոր խողովակաշարը կկառուցվի հանքարդյունաբերության ժամանակակից չափորոշիչներով և բարձր սեյսմակայունությամբ: Հաշվի առնելով, որ ամենառիսկային հատվածները դյուկերային անցումներն են, խորհրդային ժամանակաշրջանում այդ երրորդ դյուկերից ազատվել են՝ կառուցելով նոր թունել: Եվ եղել է նման ծրագիր նաև երկրորդ դյուկերից ազատվելու համար, որը կիսատ է մնացել ԽՍՀՄ փլուզման հետևանքով, և այժմ մենք ցանկանում ենք վերականգնել նաև այդ ծրագիրը», - հայտնել է ԶՊՄԿ-ի տեխնիկական տնօրենը՝ հավելելով, որ կառուցվելիք նոր պոչատար



խողովակաշարը կունենա արտահոսքի ռիսկից պաշտպանության լրացուցիչ համակարգ, ինչը շրջակա միջավայրի վրա հնարավոր ազդեցության նվազեցման ևս մեկ երաշխիք է:

Հաջորդ բնապահպանական կարևոր նախագիծը՝ մասնակի շրջանառու ջրամատակարարման համակարգն է: «Խտացուցիչ» կոչվող նոր կառույցը նպատակ ունի առավել արդյունավետ դարձնել արտադրությունում ջրի կառավարման ծրագիրը: Զանգեզուրի պղնձամոլիբդենային կոմբինատը մեկ տոննա հանքաքարի մշակման համար բնությունից վերցնում է երկու խորանարդ մետր տեխնիկական ջուր: Կորզումից հետո հանքաքարի մնացորդները և տեխնիկական ջուրը միախառնվելով՝ վերածվում են խյուսի և հոսում դեպի պոչամբար, իսկ նոր խտացուցիչը գործընթացն առավել արդյունավետ կդարձնի:

«Տարեկան վերամշակում ենք 22 մլն

» Կառուցվելիք նոր պոչատար խողովակաշարը կունենա արտահոսքի ռիսկից պաշտպանության լրացուցիչ համակարգ, ինչը շրջակա միջավայրի վրա հնարավոր ազդեցության նվազեցման ևս մեկ երաշխիք է:



տոննա հանքաքար, ինչը նշանակում է, որ տարեկան բնությունից վերցնում ենք և ուղարկում պոչամբար մոտավորապես 45-46 մլն խմ ջուր: Մեր նպատակն է՝ այդ ջրի մի մասը հարստացուցիչ ֆաբրիկայի մոտ վերցնել խյուսի միջից և նորից հետո ուղարկել ֆաբրիկա, օգտագործել դրա մշակման համար: Խյուսը խտացնելու ենք մինչև 40% չորամասնիկների, ինչը կնշանակի, որ տարեկան մոտ 12-15 մլն խմ ջուր բնությունից չենք վերցնի», - պարզաբանել է Արման Վարդանյանը՝ հավելելով, որ 50 մետր տրամագծով ժամանակակից խտացուցիչը պետք է ձեռք բերվի օգտակար հանածոների վերամշակման ոլորտում համաշխարհային հայտնի արտադրող ընկերությունից:

Վերը նշված այս երկու խոշոր ծրագրերն ուղղված են բնապահպանական և տեխնիկական ռիսկերի նվազեցմանը, որոնք կոմբինատի առաջնային խնդիրներից են:

Վերականգնվող էներգիան՝ շրջակա միջավայրի պաշտպանության երաշխիք

DeGrussa արևային էներգիայի նախագիծը, որը գտնվում է Արևմտյան Ավստրալիայի Պերտ քաղաքից մոտ 900 կմ հյուսիս-արևելք՝ DeGrussa պղնձի հանքավայրի մոտ, մեկնարկել է 2016 թվականին: Նախագիծը ներառում էր 10.6 ՄՎտ հզորությամբ արևային պանելներ և 6 ՄՎտ հզորությամբ լիթիումային մարտկոցային համակարգ: Այս համակարգերը ապահովում էին հանքավայրի էլեկտրաէներգիայի պահանջարկի մոտ 20%-ը:

Նախագծի ընդհանուր արժեքը կազմում էր շուրջ 40 միլիոն դոլար: Արևային էներգիայի արտադրությունը տարեկան կազմում էր մոտ 20 ԳՎտ/ժ, ինչը թույլ էր տալիս նվազեցնել ածխածնի արտանետումները մոտ 15,000 տոննայով: Մարտկոցային համակարգը կարողանում էր պահեստավորել մինչև 1.4 ՄՎտ/ժ էներգիա և ապահովել էներգամատակարարումը մինչև երեք օր առանց արևային արտադրության:

Նախագծի իրականացման ընթաց-

քում տեղական համայնքներին տրամադրվել է ավելի քան 200,000 դոլար՝ կրթական և սոցիալական ծրագրերի համար: Բացի այդ, ստեղծվել է ավելի քան 50 աշխատատեղ՝ ազդակիր համայնքների բնակիչների համար, ինչը նպաստել է տարածաշրջանային տնտեսական զարգացմանը:

DeGrussa արևային էներգիայի նախագիծը հաջողությամբ գործել է յոթ տարի՝ 2016 թվականից մինչև 2023 թվականը: 2023 թվականին հանքավայրի շահագործման ավարտի հետ միասին, արևային կայանը նույնպես դադարեցրել է իր գործունեությունը: Նախագիծը համարվում էր Ավստրալիայի առաջին խոշոր հանքային նախագիծը, որն ամբողջությամբ օգտագործում էր վերականգնվող էներգիա, և ծառայում էր որպես օրինակ այլ հանքարդյունաբերական ընկերությունների համար՝ վերականգնվող էներգիայի օգտագործման և շրջակա միջավայրի պաշտպանության ոլորտում:





ԶՊՄԿ արտադրության վերագինման մանրամասներին ծանոթացնում է ԸՆԿԵՐՈՒՄ արտադրության գծով տնօրեն Եվգենի Կուսակովը

– Պարոն Կուսակով, պարզաբանեք խնդրեմ, ներկայումս ինչպիսի՞նք են տեխնոլոգիաներ, սարքավորումներ է ներդրում ԸՆԿԵՐՈՒՄ-ում արտադրական պրոցեսում:

– Նախ պիտի նշեմ, որ 2025 թվականը արտադրության համար մեկնարկային տարի է: Հիմնական խնդիրը՝ արտադրության արդիականացումն է: Մենք ունենալու ենք արդիականացման և ավտոմատացման նոր համակարգ, որը վերահսկելու է բոլոր արտադրական գործընթացները: Մանրամասնեմ բացահայտի համար ներդրվելու է նոր՝ ՀՏՀ ԱԿՀ համակարգ (հանքարդյունաբերական տրանսպորտային համալիրի ավտոմատ կառավարման համակարգ)։ (ԱԿՄ



Հանքային ողջ տեխնիկան համալրված է բորտ-համակարգիչներով, միավորված՝ մեկ ամբողջական համակարգում: Եվ ծագած ցանկացած խնդիր տեսնում են համապատասխան մասնագետները, սպասարկող ինժեներները:



ГТК - автоматическая система управления горнотранспортным комплексом) սա դիսպետչերական հսկողություն է՝ հանքարդյունաբերական տրանսպորտային համալիրի արտադրողականությունը բարձրացնելու համար:

Օրինակ, պատկերացնենք բարձրան պրոցեսը. ինքնաթափը մոտենում է էքսկավատորին՝ բարձվելու, իսկ վերջինս այդ ժամանակ լիցքավորվում է, բնականաբար, բեռնատարը սպասելու է, ինչի արդյունքում հերթ է գոյանալու: Ավտոմատացումը թույլ կտա խուսափել հերթերից, քանի որ համակարգը ինքնաթափը «կուլարկի» ազատ էքսկավատորի մոտ:

Հաշվարկում է երթուղին, և նույնիսկ լցակայաններում՝ ընդմիջումից առաջ

և հետո, նաև բարձվելու ժամանակ, հերթեր չեն գոյանա:

Բայց այս ամենին զուգահեռ, աշխատակիցները պետք է միանշանակ հետևեն համակարգի կողմից տրվող հրահանգներին:

– Իսկ ի՞նչ ենք ունենալու հարստացուցիչ ֆաբրիկայի համար:

– Հարստացուցիչ ֆաբրիկայում ներդրվում է MES (Manufacturing Executive System) համակարգը, որը ցույց կտա, թե ինչպես է աշխատում արտադրամասը, սակայն թույլ չի տա կառավարել արտադրական պրոցեսը: Վերջինս հնարավոր կլինի միայն՝ վերջնական ավտոմատացումից հետո: Բոլոր տվյալներն անմիջապես կուղարկվեն նորմավորողներին, տնտեսագետներին և հաշվապահական հաշվառման բաժին: Ավտոմատացման նպատակը՝ ձեռնարկության արդյունավետ աշխատանքն է, հնարավոր սխալներից խուսափելը, ինչի շնորհիվ աշխատակիցներն ավելի հանգիստ ու ապահով կզգան իրենց:

– Հետաքրքիր է՝ ինչպե՞ս է համակարգն արձագանքելու առաջացած անսարքություններին:

– Միասնական համակարգն ընդգրկում է ողջ հանքային տեխնիկան, խնդիրների դեպքում համապատաս-

խան սպասարկող մասնագետն անմիջապես տեսնում է՝ ինչ պրոբլեմներ են արձանագրված ծրագրում:

Հանքային ողջ տեխնիկան համալրված է բորտ-համակարգիչներով, միավորված՝ մեկ ամբողջական համակարգում: Եվ ծագած ցանկացած խնդիր տեսնում են համապատասխան մասնագետները, սպասարկող ինժեներները:

– Ինչպիսի՞ն է իրավիճակը աշխատողների վերապատրաստման և որակավորման բարձրացման հետ կապված: Արդյո՞ք խնդիրներ կառաջանան՝ աշխատակիցների լիազորությունների կրճատման կամ ռեժիմի խստացման առումներով:

– Մեր ձեռնարկության ուսումնական կենտրոնը մշտապես կազմակերպում է ուսուցում, վերապատրաստում և որակավորման բարձրացման քննություններ:

Արտադրական վտանգավոր օբյեկտներում գործունեություն իրականացնող մեր աշխատակիցները համապատասխան վկայականներ ունեն, նաև պարբերաբար վերապատրաստվում են: Այս ամենը շահագրգռում է մարդկանց, նաև ստիպում տեղում չկանգնել...

📷 Լուսանկարները՝ Նվեր Չելյայի



ՏԵԽՆՈԼՈԳԻԱԿԱՆ ԱՎՏՈՂԱՎԱՔԱԿԱՅԱՆԻ ՀԱՆՔԱՅԻՆ ՏԵԽՆԻԿԱՅԻ ՑԱՆԿԸ



ԱՎՏՈՒՆՔՆԱԹԱՓԵՐ

CAT 90 ՏՈՆՆԱ  12

BELAZ 90 ՏՈՆՆԱ  12

KOMATSU 95 ՏՈՆՆԱ  16

CAT 130 ՏՈՆՆԱ  8

BELAZ 130 ՏՈՆՆԱ  14

CAT 180 ՏՈՆՆԱ  3

ԶՐՑԱՆՆԵՐ



BELAZ  5

LCMG  3

ՏԵԽՆՈԼՈԳԻԱԿԱՆ ԱՎՏՈՒՀԱՎԱՔԱԿԱՅԱՆԻ ՏԵԽՆԻԿԱԿԱՆ ՎԵՐԱԳԻՆՄԱՆ ՄԱՆՐԱՄԱՍՆԵՐԸ ՆԵՐԿԱՅԱԳՆՈՒՄ Է ԱՐՏԱԴՐԱՄԱՍԻ ՂԵԿԱՎԱՐ՝ ԳԼՈՐԳ ՀՈՎԻԱՆՆԻՍՅԱՆԸ

-2 024 թվականին ձեռք է բերվել ԲԵԼԱՉ մակնիշի 130 տոննա բեռնատարողությամբ 14 ինքնաթափ, որից 10-ը շահագործման ենք հանձնել արդեն 2024-ին, սակայն հանքային տեխնիկայի վերագինումն այսքանով չի սահմանափակվում: Վերջերս 130 և 180 տոննա բեռնատարողությամբ Caterpillar և BELAZ մակնիշի ավտոինքնաթափերի համար տեխնոլոգիական ավտոհավաքակայանում առանձնացվել է տեղամաս, ինչի արդյունքում վերոնշյալ ինքնաթափերի երթուղին կրճատվել է 4-5 կմ-ով: Ժամանակի ու վառելիքի լուրջ խնայողություն է ապահովվում, նաև՝ խնայում ենք անվադողերի մաշվածության առումով: Թվով 25 բարձր բեռնատարողությամբ ինքնաթափեր հերթափոխային ռեժիմով շահագործում է 100 վարորդ: Նրանք կայանելու են նոր տեղամասում, և հենց նրանց երթուղին է զգալիորեն կրճատվում: Արտադրական օղակներում նման ձեռնարկումները խիստ անհրաժեշտ են՝ պայմանավորված աշխատանքների էֆեկտիվ կազմակերպման հետ: Տեղամասի աշխատակիցների



թիվը 2024 թվականին ավելացել է 60-ով, ովքեր հաջողությամբ անցել են վերապատրաստում, ատեստավորում: Նշենք՝ բոլոր 60-ը ԸՆԿԵՐՈՒԹՅԱՆ աշխատակիցներն են, որոնք տեղափոխվել են այլ արտադրամասերից:
– **ԻՆՇՏՐՎ Է՝ պայմանավորված՝ կադրերի**

ԽՈՍՔԸ ՂԵԿԻ ՏԵԽՆՈԼՈԳԻԱԿԱՆ ԱՎՏՈՒՀԱՎԱՔԱԿԱՅԱՆ:

– Աշխատանքը հեշտերից չէ: Շահագործել հսկաներին հանքային ճանապարհներին, եղանակային տարբեր պայմաններում, հմտություն, համարձակություն, կամք ու մեծ ցանկություն է պահանջում և ենթադրում է պատշաճ վարձատրություն, իսկ վերջինս, բնականաբար, մոտիվացնում է մարդկանց: Տեղափոխված աշխատակիցների մեծ մասը երիտասարդներ են, ովքեր արագ են ինտեգրվում: Սակայն ունեցել ենք դեպքեր, երբ վերապատրաստման ժամանակ մարդիկ հասկացել են՝ այս աշխատանքն իրենցը չէ...

Լիլիթ Իսրայելյան

 Լուսանկարները՝ Նվեր Զեյպայի


Սյունիքի մարզի ՀՆԱ-ի կեսից ավելին ապահովում է հանքագործական արդյունաբերությունը. Հայկազ Ֆանյան

Հանքարդյունաբերության ոլորտի մասին «Irvaban.net»-ի հետ զրուցել է տնտեսագետ, Modex խորհրդատվական ընկերության տնօրեն Հայկազ Ֆանյանը:

«Հանքարդյունաբերությունը բավականին առանցքային դեր է կատարում մեր ՀՆԱ-ում, և ըստ էության, իր հետևից շատ տարբեր ոլորտներ է զարգացնում: Վառ օրինակներից մեկը ՀՊՄԿ-ի գործունեությունն է. Սյունիքի մարզի ՀՆԱ-ի կառուցվածքում կեսից ավելին հենց հանքագործական արդյունաբերությանն է բաժին ընկնում: Դա,

ՀԱՆՔԱԳՈՐԾԱԿԱՆ ԱՐԴՅՈՒՆԱԲԵՐՈՒԹՅՈՒՆՈՒ ՀԱՐԿԱՅԻՆ ԲԵՈՒՆ ՄԻՋԻՆԻՑ ԶԳԱԿՈՐԵՆ ԲԱՐՁՐ Է...

1000 խոշոր հարկատուների ցանկում ընդգրկված հարկ վճարողների վճարած հարկերը, 2019-2024/9 թթ.




ի հարկե, միայն ՀՊՄԿ-ն չէ, կան նաև Կապանի հանքավայրը, կա Ագարակի հանքը, սակայն ՀՊՄԿ-ն ամենամեծն է», – ասել է Ֆանյանը: ՀՆԱ-ի կառուցվածքում անցած տարվա 9 ամիսների կտրվածքով հան-




քարդյունաբերության մասնաբաժինը շուրջ երեք տոկոս է կազմել: «Օրինակ՝ ոչ մետաղականների մասով, եթե նայենք, ավագը պետք է լինի, որը կդառնա ապրանքային բետոն, ապրանքային բետոնով

ՍՅՈՒՆԻՔԻ ՄԱՐԶԻ ՀՆԱ-Ի ԿԵՍԻՑ ԱՎԵԼԻՆ ԱՊԱՀՈՎՈՒՄ Է ՀԱՆՔԱԳՈՐԾՈՒԹՅՈՒՆԸ

Սյունիքի մարզի ստեղծած ավելացված արժեքը, 2019-2022 թթ.



Սյունիքի մարզի ՀՆԱ-ի կառուցվածքը, 2022 թ.



■ Սյունիքի մարզի բնակչության թիվը
● Մասնաբաժինն ամբողջ բնակչության մեջ

■ Հանքագործական արդյունաբերություն
■ Այլ

արդեն շինարարություն կիրականացվի և այսպես շարունակ: Այսինքն, այդ ապրանքային բետոնի արտադրությունը, պանելների արտադրությունը, որը էականորեն, կարելի է ասել, հիմնված է հենց հանքագործական արդյունաբերության արտադրանքի վրա, առանց դրա հնարավոր չէր»: Միննույն ժամանակ, Ֆանյանը նշում է, որ չի հաշվարկվում ազդակիր համայնքներում հանքարդյունաբերության ազդեցությունը. «Սյունիքի մարզի ՀՆԱ-ի կեսից ավելին ապահովում է հանքագործական արդյունաբերությունը՝ 51.7%: 2022 թվականի տվյալներն են, պաշտոնապես Վիճակագրական կոմիտեի կողմից հաշվարկված: Սա շատ-շատ բաժր ցուցանիշ է: Պատկերացնում եմ՝ տնտեսության կեսը հանքագործական արդյունաբերության հաշվին է»:

Օրական մեկ տոննայից ավելի սննդամթերքով բազմատեսակ ուտեստներ են պատրաստվում ԶՊՄԿ ճաշարանում

Նախկինում՝ համբուրգերներ, հիմա արդեն տաք սնունդ՝ լանչ բոքսերի տեսքով:

Առանց դադարի, երկու հերթափոխով 85 մարդ ձեռնարկության 4600 աշխատակցի համար պատրաստում է թարմ և համեղ կերակուր: Ձավարեղեն, մսեղեն, բանջարեղեն՝ ամեն ինչ հաստատված գրամներով, պահեստից գալիս՝ խոհանոցում ճաշատեսակների են վերածվում: Փաթեթավորման արտադրամաս են ուղարկվում տարատեսակ ճաշեր, աղցաններ, երշիկեղեն, խմորեղեն՝ լանչ բոքսերի մեջ հավաքվելու: Բացահանքից մինչև պոչամբար, նաև Ագարակի պղնձամուխիթենային կոմբինատում աշխատակիցները ընդմիջմանը ստանում են սիրով ու խնամքով պատրաստված լանչ բոքսերը, իսկ ահա վարչական շենքի և դրան մոտ արտադրամասերի աշխատակիցները հիմնականում օգտվում են ճաշարանի տաք սննդից:

ճաշարանի հիմնական աշխատանքների համակարգող Աննա Ալեքսանյանը նշում է. «Սնունդը պատրաստվում է գիշերը, ինչն առավել ծանր ու պատասխանատու աշխատանք է: Երեք տարի է առաքումը կատարվում է տաք սննդի տեսքով: Օրական չորս մեքենա դուրս է գալիս առաքումը իրականացնելու՝ բացահանքից մինչև պոչամբար», - պատմում է նա:



Ավագ խոհարար Կարեն Գրիգորյանը համեղ պատրաստելու իր գաղտնիքներն ունի: Խոհանոցում մեծամասնություն կազմող կանանց ներկայությունն անհրաժեշտ է, բայց տղամարդիկ էլ այս գործում պակաս հմուտ չեն: Խիստ դեմքով համի տիրակալը՝ պատրաստելիս հաճախ չի ժպտում, բայց իգական սեռի հետ աշխատանքների համակարգման ոսկե միջինը գտել է. «Ունենք ծավալուն մենյու, շաբաթական մեկ անգամ այն

փոփոխման է ենթարկվում, ճաշացանկերը նախապես համաձայնեցվում են ընկերության ղեկավարության հետ: Շատ դժվար է 4600 մարդու ամեն օր սնունդով ապահովելը, մանավանդ, որ մարդիկ տարբեր համային նախասիրություններ, ինչու չէ՞ նաև տարբեր տրամադրություն ունեն: Բացի այդ, դժվար է կանանց հետ աշխատելը, բայց փորձել եմ գտնել ոսկե միջինը: Մեր խոհանոցում միշտ կարգուկանոն է տիրում:



Աջանավորի QR կոդը, դիտելով ԶՊՄԿ ճաշարանի մասին տեսանյութը



ԱՆՆԱ ԱԼԵՔՍԱՆՅԱՆ
ճաշարանի հիմնական աշխատանքների համակարգող



ԱՆՆԱ ԳՐԻԳՐՅԱՆ
Փաթեթավորման արտադրամասի պատասխանատու



շերտեր են օգտագործել այստեղ, որ փոքրի մասին մոռացել եմ, տանը անսովոր է փոքր շերտով ճաշ եփելը: Դե իսկ տանը ուտելիքը կարող է համեղ լինել, կամ երբեմն՝ ոչ այնքան, մինչդեռ աշխատավայրում առանց բացառության միշտ պետք է համեղ լինի: Կարծում եմ՝ մեր աշխատակիցները ճաշատեսակներից գոհ են»:

Վեց արտադրամասից յուրաքանչյուրն ունի հստակ պարտականություններ: Փաթեթավորման արտադրամասում ամեն վայրկյանը թանկ է, պետք է կարողանան որքան հնարավոր է արագ տեղավորել տաք ուտելիքը և այն ճիշտ ժամանակին հասցնել նպատակակետին. «Արագությունն ու արկղերը մեր արտադրամասում ամենակարևորն են, առավոտյան 8-ից սկսվում է առաքումը, պետք է ըստ ժամերի սնունդը հասցնել աշխատողներին, եթե համերաշխ ու համակարգված չաշխատենք, չենք հաջողի», - նշում է փաթեթավորման արտադրամասի պատասխանատու Աննա Մնացականյանը:

Բացահանքի տեխնոլոգիական ավտո-հավաքակայանում ամեն օր ժամը 12-ին հետաքրքիր իրարանցում է սկսվում: Տիկին Յեղիկեն գլխավոր դերում է՝ 5 տարի շարունակ բազմատեսակ ուտելիքի բաժանման հաճելի գործը նրա ուտերին է. «Քուրս օգտվում ենք սննդից՝ համատեղելով օգտակարը հաճելի հետ: Համ սնվում ենք, համ սիրած աշխատանքով զբաղվում»:

Աշխատակիցները կատակում են՝ ուզած-չուզած պիտի ուտենք, բայց իհարկե, եթե սնունդը չլինի որակյալ ու համեղ, ապա չէին շեշտի, որ աղաները շատ համեղ են, անգամ պարզ հնդկաձավարն այստեղ կարողանում են համեղ պատրաստել, այլ ուտեստներից էլ չեն հրաժարվում. «Երբ սոված ենք լինում, ամեն ինչ էլ ուտում ենք, ինձ համար, օրինակ, ամենահամեղը կարտոֆիլի պյուրեն է», - ասաց տեխնոլոգիական հավաքակայանի ավտոինքնաթափի վարորդ Էդգար Ջաքարյանը՝ ընդգծելով, որ անգամ ամենասովորական կարտոֆիլային խյուսը այս խիանոցում շատ համեղ են պատրաստում:

Չնայած հաստատված սննդակարգին, այնուամենայնիվ, այստեղ բաց են առաջարկների համար, առկա ճաշացանկը կարող է թարմացվել՝ նաև ըստ աշխատակիցների նախասիրությունների:

Նարե հաչատրյան

📷 Լուսանկարները՝ Նվեր Զեյլալի

Սա պատասխանատու և բարդ աշխատանք է, ամեն մարդ իր գործը պետք է ճշգրիտ, մաքուր և ժամանակին կատարի, - ասում է ավագ խոհարար Կարեն Գրիգորյանը. - այլապես՝ հնարավոր չէ այդքան մարդու ամեն օր ճիշտ նույն ժամին կերակրել և գոհ ճանապարհել: Եվ հետաքրքիր է, որ երբեք սնունդը չի պակասում, այն չի պատրաստվում կոնկրետ մարդկանց քանակով, այլ հաշվի է առնվում, որ մարդը կարող

է հավելյալ բաժին ուզել, ու դա պետք է լինի: Գաթան ու աղցանը, հյութերն ու մուրաբաները դրված են առանց սահմանափակման, կեր, անուշ արա՝ որքան ուզում ես:

Կնոջ ծեռքը ամենահամեղն է, կարծում է խոհարար տիկին Միլան: Ամեն օր հազարավոր աշխատակիցների համար ուտեստ պատրաստելուն նա արդեն սովոր է, ժամանակակից տեխնիկան գործին օգնում է, բայց քիմիա համս ամենակարևորն է: «Էնքան մեծ



ՄԻԼԱ ԱՌԱՔԵԼՅԱՆ
խոհարար

ԿԱՐԵՆ ԳՐԻԳՈՐՅԱՆ
Ավագ խոհարար

Հանքարդյունաբերությունը միայն տղամարդու գործ չէ, կանայք այստեղ պահանջված են

«Ոչ կնոջ աշխատանք» կարծրատիպը կոտրում են ԶՊՄԿ-ում, որտեղ չկա առանց կնոջ միջամտության գոնե մեկ արտադրամաս:



Հանքարդյունաբերության կանայք...

Աջանավորի QR կոդը, դիտիր տեսանյութը

Հենց դա՝ կանանց ներկայությունն ամենուր, համարվում է արդյունավետ աշխատանքի գլխավոր գրավականը: Զխախտելով ավանդույթը՝ այս տարի էլ կանանց տոնի մեկամսյակի շրջանակում գրուցել ենք կոմբինատի կին աշխատակիցների հետ:

ԶՊՄԿ-ի ավելի քան 4600 աշխատակիցներից 1036-ը կանայք են: Բոլորն էլ սիրված ու գնահատված են աշխատավայրում: Կանանց հետ աշխատելու երկարամյա փորձ ունեցող կոմբինատի էներգաարտադրամասի ղեկավար Արմեն Պողոսյանն այս մտքին ավելացնում է՝ կանայք մեկամսյակի առթիվ տղամարդկանցից նաև նվերներ են սպասում: Ասում է՝ նրանց հետ աշխատելը և՛ հեշտ է, և՛ դժվար, պարզապես պետք է կարողանալ կանանց հետ լեզու գտնել:

Տիկին Նինա Վասիլյանը հարստացուցիչ ֆաբրիկայի շարժիչ ուժն է: Երկարամյա փաթեթավորող է, ու ոչ թե ծաղիկներ է փաթեթավորում, այլ՝ մոլիբդենի տոննանոց պարկեր: Ասում է՝ գյուղում ապրած-մեծացած 29-ամյա աղջիկ էր, երբ առաջին անգամ մտավ կոմբինատ: Համաձայն չէ

այն մտքի հետ, որ ֆիզիկական գործը միայն տղամարդկանց համար է: Իր արտաքին տվյալները՝ բարձր հասակը, ամուր ձեռքերը, ինչպես նաև ուժեղ բնավորությունը թույլ են տալիս կատարել նաև ֆիզիկական աշխատանք և ինքը դեմ չէ:

Արտադրության կանայք ոչ պակաս խնամված են, պահանջված ու գնահատված. ասվածի հետ համաձայն են ԶՊՄԿ-ում, ավելին՝ այստեղ աշխատող կանայք վստահ են՝ առանց իրենց մասնակցության պղինձ ու մոլիբդեն կորզելը պարզապես անհնար կլինի: Պակաս հետաքրքիր չէ նաև Աննա Ստեփանյանի գործը:

Արտադրության կանայք ոչ պակաս խնամված են, պահանջված ու գնահատված. ասվածի հետ համաձայն են ԶՊՄԿ-ում, ավելին՝ այստեղ աշխատող կանայք վստահ են՝ առանց իրենց մասնակցության պղինձ ու մոլիբդեն կորզելը պարզապես անհնար կլինի...





Հարստացուցիչ ֆաբրիկայից պղնձի անխափան հոսքին է հետևում՝ անդադար կապի մեջ լինելով չորացման արտադրամասի գործընկերների հետ: Այսքանով հանդերձ, երբեք չի մոռանում իր արտաքին տեսքի մասին՝ սանրվածքը միշտ տեղը, ժպիտն էլ՝ դեմքին: Չթերագնահատելով տղամարդկանց՝ շտապում է անկեղծանալ «արտադրությունում կին լինելը օգնում է»:

Տեխնիկական վերահսկողության բաժնի տրամադրությանը միայն նախանձել կարելի է: Անչափ կանացի այս միջավայրում շատ պատասխանատու գործ է կատարվում. կոմբինատ ներ-

մուծվող բոլոր ապրանքները, այդ թվում բարձրած հսկա մեքենաները վերահսկող կանանց խիստ հայացքի ներքո են:

«37 տարի առաջ, երբ մտա կոմբինատ, փոխարինեցի ավագ սերնդի մասնագետներին, շուտով նաև ինձ կփոխարինեն: Կանայք ևս հոգեբանորեն պետք է պատրաստ լինեն վաստակած հանգստին, սերնդափոխություն պետք է լինի», - ասում է տեխնիկական վերահսկողության բաժնի կշեռքավար Ջոյա Վանեսյանը: Օրինակ, ինքը որոշել է՝ կենսաթոշակի անցնելուց հետո խմորեղենի արտադրամաս է բացելու:

– **էլեկտրականությունն ու կինը առաջին հայացքից են թվում անհամատեղելի,** - ասում է Անահիտ Անդրեասյանը:

Նր: Բարձր լարման ենթակայանում 9 կանանցով իրենց վրա են վերցրել անխափան էներգամատակարարման պատասխանատվությունը: Էներգաարտադրամասի վահանավար Անահիտ Անդրեասյանը պատմում է, որ գնահատված է աշխատանքում, տիրապետում է իր սիրած գործին, իսկ տարիների փորձն էլ օգնում է տարբեր իրավիճակներում ճիշտ կողմնորոշվելուն:

Կանանց մեկամսյա տոները ԶՊՄԿ-ի տոնացույցում առանձնահատուկ տեղ ունեն:

Կոմբինատի հազարից ավելի կանանց համար գարնանային մեկամսյակի աշխատանքային օրերը սովորականից տարբերվում են:

Յերմինե Միքայելյան

📷 Լուսանկարները՝ Նվեր Զեյլայի



«37 տարի առաջ, երբ մտա կոմբինատ, փոխարինեցի ավագ սերնդի մասնագետներին, շուտով նաև ինձ կփոխարինեն: Կանայք ևս հոգեբանորեն պետք է պատրաստ լինեն վաստակած հանգստին, սերնդափոխություն պետք է լինի»





Աջանավորի
QR կոդը, դիտի՛ր
տեսանյութը



Հայաստանի հանքային պաշարները Հայաստանի բացառիկ սեփականությունն են և չեն պատկանում որեւէ կոնկրետ անձի

Երևանի պետական համալսարանում
տեղի ունեցավ հանքարդյունաբերությանը
նվիրված միջֆակուլտետային քննարկում:



Թեման՝ «Հանքարդյունաբերության դերն ու նշանակությունը տնտեսության մեջ»: Մասնակցում էին Նաև Հանգեզուրի պղնձամոլիբդենային կոմբինատի ներկայացուցիչները: Ալտերնատիվ էներգետիկայի զարգացումը փոխում է գլոբալ տնտեսության կանոնները, և այս ֆոնին Հայաստանում հանքարդյունաբերության դերը դառնում է առավել կարևոր: Հայաստանի ամենից շատ վերահսկվող ոլորտը հանքարդյունաբերությունն է: Այս մասին մարտի 28-ին «Հանքարդյունաբերության դերն ու նշանակությունը տնտեսության մեջ» թեմայով քննարկման ժամանակ ասել է «Հանգեզուրի պղնձամոլիբդենային կոմբինատ» ՓԲԸ (ՀՊՄԿ) գլխավոր տնօրենի տեղակալ, ընկերության տնօրենների խորհրդի անդամ Արտյոմ Պետրոսյանը: Նա տեղեկացրել է, որ նման ձեռնարկություններն ամբողջ տարին հսկողության տակ են, բոլոր տեսչական մարմինները և այլ կարգավորող մարմիններն այնտեղ ստուգումներ են իրականացնում:





այնպիսի մանրակրկիտությամբ, ինչպես ոչ մի ոլորտում:
Պետրոսյանը նշել է, որ դա հանգեցնում է նրան, որ ի սկզբանե որոշումներ են կայացվում՝ հետագայում հնարավոր խնդիրներից խուսափելու համար:
Միաժամանակ նա մատնանշել է, որ Հայաստանում աշխատանքային օրենսդրությունը հնացել է և չի համապատասխանում ժամանակի պահանջներին:
Սա, ըստ նրա, որոշակի խոչընդոտներ է ստեղծում նաև աշխատանքների պլանավորման հարցում: **«Նույնը վերաբերում է ներդրումային օրենսդրությանը, որը 31 տարեկան է»**,– նշել է ընկերության գլխավոր տնօրենի տեղակալը:
Նրա կարծիքով՝ ընդերքի հետ կապված օրենսդրությունը նույնպես լուրջ փոփոխություններ է պահանջում:
Նա տեղեկացրել է, որ, ի հեճուկս հաստատված առասպելի, Հայաստանի հանքային պաշարները Հայաստանի բացառիկ սեփականությունն են և չեն պատկանում որևէ կոնկրետ անձի:
Պետրոսյանը նշել է, որ կոնկրետ



հանքարդյունաբերական ձեռնարկության տեսակը կախված է նրանից, թե տվյալ հանքում ինչ մետաղ է գերակշռում: **«Օրինակ, Սոթքի ոսկու հանքավայրն այդպես է կոչվում, քանի որ այնտեղ ավելի շատ ոսկի կա, քան մյուս մետաղները,**

սակայն դա չի նշանակում, որ այնտեղ այլ մետաղներ չկան, դրանք կան»,– ավելացրել է նա:
Պետրոսյանը նաև ասել է, որ ճյուղն ընդգրկում է գրեթե բոլոր մասնագիտությունները, որոնք ուսուցանվում են բուհերում:

«Առեղծվածային» պոչամբար. ՄիՖեր և իրականություն. բացահայտում են լրագրողները

ԶՊՄԿ-ն մշտապես հանրության ուշադրության կենտրոնում է: Կոմբինատը տարեցտարի ավելի ու ավելի շատ հյուրեր է ընդունում, այդ թվում՝ նաև պարբերաբար ճանաչողական շրջայցեր են կազմակերպվում լրագրողների համար:

Լրագրողական հերթական այցի նպատակակետը պոչամբարն էր, և, ինչպես իրենք նշեցին, եկել էին տեղում՝ առաջին աղբյուրից տեղեկատվությունը ստանալու և միՖերը կոտրելու:

Հայաստանի առաջատար լրատվամիջոցների փորձառու լրագրողները՝ իրենց իսկ նախաձեռնությամբ, ընդ որում շատերն առաջին անգամ՝ բաց չթողնելով բացառիկ հնարավորությունը, ճանապարհվեցին դեպի Արծվանիկի պոչամբար: Նրանց խոսքերով, բնապահպանների հորինած միՖերի կենտրոնում հայտնված առեղծվածային պոչամբարի մասին պատկերացումները այլ են, իրականությունը՝ բոլորովին այլ:

Նաիրա Փայտյանը՝ «Հ2» հեռուստաալիքի լրագրողը, կիսվեց իր տպավորություններով. «Պատկերացում էի՝ տեսնելու եմ մի հրեշավոր, դեղնակա-նաչավուն ինչ-որ լավա, հատկապես «գրանտակեր» բնապահպանական կազմակերպությունների նկարագրա-

ծով... Բայց լիովին այլ պատկեր եմ տեսնում»:

«Գալ ու տեղում՝ սեփական աչքով տեսնելու, առաջին աղբյուրից հավաստի տեղեկատվություն ստանալու առումով՝ սա եզակի հնարավորություն է», - նշում են հյուրերը: Մինչդեռ թվում էր՝ ոլորտը փակ է ու անձեռնմխելի: Արմենուիի Հակոբյան՝ «Iravunk.com» կայքի խմբագիր.

«Ի դեպ, շատ ուրախացանք, որ կարող ենք գալ ու տեղում հասկանալ՝ իրավիճակն ինչպիսին է: Շատ ողջունելի է այս այցելության հնարավորությունը, և լավ կլինի, որ խոշոր ընկերությունները լրագրողներին այսպիսի հնարավորություններ ընձեռեն, որպեսզի գան իրականությունը տեսնեն, հասկանան ու ամեն բան ընկնի իր տեղը»:

«Հիմա ես այստեղ մաքուր օդ եմ շնչում ու տեսնում եմ, որ թափոններն այնպիսի վերամշակման են ենթարկվում, որ, ահա, այստեղ կանգնած, թվում է՝ Մալիկներում ենք, - ծիծա-



ԶՊՄԿ պոչամբարում՝
լրագրողներն էին...
Արմենուիի լրագրողի QR կոդը,
դիտելի տեսանյութը



ղում է տնտեսական թեմաներով փորձառու լրագրող Լիանա Գյոզալյանը, չթաքցնելով տեսածից իր զարմանքը, ավելացնում է. - մարդ չիմանար, որ պոչամբար է՝ կմտներ «ծովը», կլողար»: Ժամանակին նա անդրադարձել է ԶՊՄԿ-ի ներդրումային ծրագրերին, միշտ հետաքրքրված է եղել ոլորտով, իսկ հիմա իր լսածն ու իմացածը համեմատում էր տեղում տեսածին:

Պոչամբարում իրականացվող բնապահպանական ծրագրերի հնարավոր ռիսկերի չեզոքացման, պրոգրեսիվ ռեկուլտիվացիայի, նոր մետեոսարքավորումների, կառուցվելիք շրջանառու համակարգի մասին մանրամասն ներկայացրեց կոմբինատի Կայուն զարգացման գծով տնօրենի տեղակալ Տարոն Նավասարդյանը՝ պատասխանելով լրագրողներին հուզող բոլոր հարցերին:

Տարոն Նավասարդյանի խոսքով, 2024 թվականին պոչամբարի պատվարի վրա տեղադրվել է սեյսմիկ կայան, որը առաջինն է Հայաստանում: Սեյսմիկ ընկալիչները տեղադրված են ինչպես պատվարի, այնպես էլ մայրական ապարների վրա և ճշգրիտ տեղեկատվություն են փոխանցում պատնեշի ցանկացած շարժի վերաբերյալ:

«Արմենպրես» լրատվական գործա-





*Տարոն Նավասարդյանի
խոսքով, 2024 թվականին
պոչամբարի պատվարի
վրա տեղադրվել է սեյսմիկ
կայան, որը առաջինն է
Հայաստանում: Սեյսմիկ
ընկալիչները տեղադրված են
ինչպես պատվարի, այնպես
էլ մայրական ապարների
վրա և ճշգրիտ տե-
ղեկատվություն են փոխանցում
պատնեշի ցանկացած
շարժի վերաբերյալ:*



կալության թղթակից Մանվել Մարգարյանը շեշտեց, որ նկատելի է, թե ինչ մեծ աշխատանք է կատարված պոչամբարի և դրա շուրջ բնակավայրերի բարեկարգման ուղղությամբ: Հայաստանի խոշորագույն հարկատուի գործունեությունը պարբերաբար հայտնվում է տարբեր լրատվամիջոցների ուշադրության կիզակետում: Շատ հաճախ կոմբինատի գործունեությունը առանց հիմնավոր փաստաթղթերի քննադատվում է, հատկապես՝ շրջակա միջավայրի վրա ազդեցու-

թյան տեսանկյունից: Եվ հենց հայկական լրատվամիջոցներից քաղված ինֆորմացիան Ադրբեջանը միջազգային ատյաններում օգտագործում է Հայաստանի դեմ: Մայրաքաղաքից ժամանած լրագրողները դա չեն հերքում:

Նաիրա Փայտյանի խոսքերով, հանքարդյունաբերության ոլորտից բացի, նաև ատոմակայանը հարևանների ուշադրության կենտրոնում է: Ադրբեջանը թիրախավորել է Հայաստանի համար կենսական նշանակություն

ունեցող այդ ոլորտները: Մեզ անհրաժեշտ է զգուշավորություն դրսևորել, պետք է հասկանալ, որ մեզ 7 աչքով հետևում են, ու մեր դեմ են օգտագործում մեր լրատվամիջոցներում հայտնված ցանկացած տեղեկատվություն:

Ավարտելով շրջագայությունը, լրագրողները հեռացան՝ իրենց հետ տանելով բոլորովին այլ կարծիք և տեղեկատվության հարուստ պաշար:

Հերմինե Միքայելյան

📷 Լուսանկարները՝ Նվեր Զեյլալի

«ԱՐՏԱՎԱԶԴ». Թատերական արվեստի գլխավոր խորհրդանշական արարողության կենտրոնը Կապանն էր

Կապանը յոթ օր շարունակ հյուրընկալեց հանրապետության գրեթե բոլոր թատրոններին:

7 օր Հայաստանի հանրահայտ թատերախմբերը վայելեցին Սյունիքի հյուրասիրությունը, իսկ սյունեցի հանդիսատեսը՝ նրանց բեմական արվեստը: Կուլմինացիան մարտի 27-ն էր, երբ տեղի ունեցավ թատրոնի միջազգային օրվա խորհրդանշական արարողությունը՝ «Արտավազդ» մրցանակաբաշխությունը, որն այս անգամ մայրաքաղաքի փոխարեն կազմակերպված էր Կապանում: Դրամատիկական թատրոնի



Սքանավորիր
QR կոդը, դիտիր
տեսանյութը

90-ամյա հոբելյանը, կամերային ներկայացումների փառատոնը, նաև՝ «Արտավազդ» Կապան էին բերել թատերական աշխարհի հայտնիներին: Մրցանակաբաշխությունից առաջ թատերական գործիչների միության նախագահ Հակոբ Ղազանչյանը մեղալներ ու դիպլոմներ հանձնեց Կապանի թատրոնի դերասաններին ու աշխատակիցներին՝ ոսկե մեդալի արժանացան Արթուր Գաբրիելյանը, Սլավիկ Ոսկանյանը և Անուշ Ավանեսյանը: Թատերական ամենամյա տոնին աջակցել էին ԶՊՄԿ-ն և Սյունիքի մարզպետարանի աշխատակազմը: Կապանի դրամատիկական թատրոնի դերասաններին ու ղեկավար անձնակազմին շնորհակալագրեր հանձնեց Սյունիքի մարզպետի տեղակալ Հայկ Հարությունյանը: ՄԵԾ «ԱՐՏԱՎԱԶԴ» մրցանակը տրվեց Կապանի Ա. Շիրվանզադեի անվան թատրոնի տնօրեն Տիգրան Աթայանին, Կապանի թատրոնի դերասաններ Նատալյա Բաղդասարյանն ու Արտավազդ Գրիգորյանն արժանացան «ԱՐՏԱՎԱԶԴ» մրցանակի՝ արժանապատիվ ծառայության համար: Լավագույն կին և տղամարդ դերակատարներ հռչակվեցին Ս. Սարգսյանի անվ. Համազգային թատրոնի դերասան Վարչամ Գևորգյանը և Ստանիսլավսկու անվ. Ռուսական դրամատիկական թատրոնի դերասանուհի Լիլիա Մուկոչյանը: «ԱՐՏԱՎԱԶԴ» 2025-ը կայացավ Կապանում՝ բոլոր ներկաների երախտագիտությունն ու ծափերը Կապանին էին, որը դարձավ արվեստի մեծարման հրաշալի հավաքատեղի:

Տիգրանուհի Բաղդասարյան
Լուսանկարները՝ Նվեր Զեյպալի




ՄԵԾ «ԱՐՏԱՎԱԶԴ»
մրցանակը տրվեց
Կապանի Ա. Շիրվանզադեի
անվան թատրոնի տնօրեն
Տիգրան Աթայանին,
Կապանի թատրոնի
դերասաններ
Նատալյա
Բաղդասարյանն ու
Արտավազդ Գրիգորյանն
արժանացան «ԱՐՏԱՎԱԶԴ»
մրցանակի՝
արժանապատիվ
ծառայության համար:





ԱՆՎՏԱՆԳՈՒԹՅՈՒՆԸ ԲԱՐՁՐՈՒԹՅԱՆ ՎՐԱ ԱՇԽԱՏԵԼԻՄ ինչպես օգտագործել պարաններով հասանելիության համակարգերը



ԱՆՎԱՆ ԱՄՐԱԿԱՊՄԱՆ ՀԱՄԱԿԱՐԳԻ կիրառումը ճոպանով աշխատելու ժամանակ ՊԱՐՏԱԴԻՐ Է

